

Աշխարհագրություն-2017թ.

Դպրոցական փուլ

/տևողությունը 120 րոպե/

10-րդ դասարան

Ընտրովի պատասխանով առաջադրանքներ

- Ո՞ր պնդումն է ճիշտ.
 - Արեգակնային համակարգում բոլոր մոլորակներն ունեն աշխարհագրական թաղանթ,
 - Ուղեծրի հարթության նկատմամբ երկրագնդի առանցքի թեքության աստիճանային մեծությունը համապատասխանում է բևեռային շրջագծերի աստիճանային մեծությանը,
 - Արեգակի ճառագայթները նույն պահին, աշխարհագրական տարբեր լայնություններում, ընկնում են նույն անկյան տակ,
 - Հարավային արևադարձի վրա հունիսի 22 – ին Արեգակի ճառագայթները Երկրի մակերևույթի վրա ընկնում են ուղիղ անկյան տակ:
- Արեգակի ճառագայթների անկման անկյունը Պրահա քաղաքում (հս. լ. 50°) դեկտեմբերի 22 – ին, կեսօրին կազմում է.
 - 16.5°, 2. 40°, 3. 50,5°, 4. 63,5°:
- Երկու կետերի իրական հեռավորությունը 240 կմ է: Դրանց հեռավորությունը 1 : 600 000 մասշտաբի քարտեզում կլինի.
 - 0,4 սմ, 2. 4 սմ, 3. 40 սմ, 4. 400 սմ:
- Արարատ լեռան ստորոտին, 850 մ բարձրության վրա մթնոլորտային ճնշումը հավասար է 675 մմ սնդիկի սյան: Մթնոլորտային ճնշումը գագաթին կլինի.
 - 90 մմ, 2. 363 մմ, 3. 430 մմ. 4. 244 մմ:
- Աշխարհագրության արդի խնդիրներից չէ (չեն).
 - երևույթների բացատրությունները,
 - երևույթների առաջացման պատճառների պարզաբանումները,
 - հայտնագործությունները և աշխարհի նկարագրությունը,
 - երևույթների հետևանքների կանխատեսումը:
- Ընտրել պետությունների ճիշտ շարքն՝ ըստ տարածքի մակերեսի նվազման հաջորդականության.
 - Կանադա, Չինաստան, Ավստրալիա, Հնդկաստան,
 - Բրազիլիա, Թուրքիա, Իրան, Ֆրանսիա,
 - Ռուսաստան, Չինաստան, Արգենտինա, ԱՄՆ,
 - Ուկրաինա, Ինդոնեզիա, Ճապոնիա, Ղազախստան:

7. Ո՞ր շարքում են տրված ժողովուրդները խոսում տարբեր լեզվախմբերին պատկանող լեզուներով.
 1. հույները, բուլղարները, ֆինները,
 2. պարսիկները, քրդերը, տաջիկները,
 3. անգլիացիները, շվեդները, գերմանացիները,
 4. իսպանացիները, պորտուգալացիները, բրազիլացիները:
8. Ո՞ր պնդումն է սխալ.
 1. Ջանգեզուրի պղնձամուլիբդենային կոմբինատը ՀՀ արդյունաբերական խոշոր ձեռնարկություններից մեկն է,
 2. ՀՀ մետաղաձուլության համալիրի բոլոր ենթաճյուղերն ունեն տեխնոլոգիական ավարտուն ցիկլ,
 3. մինչև 1988թ. Ալավերդու պղնձաձուլարանը տարեկան արտադրում էր 30-40 հազ. տ. մաքուր՝ ռաֆինացված պղինձ,
 4. մետաղաձուլական համալիրը ՀՀ տնտեսության կառուցվածքում առաջատար դիրք ունի:
9. Հայկական լեռնաշխարհի միջլեռնային գոգավորությունների անվանումների և դրանց բնութագրերի համապատասխանությունը ո՞ր շարքում է տրված.

ա. Բասենի դաշտ	1. Այստեղ են միախառնվում Արևելյան և Արևմտյան Եփրատները: Այստեղ է Քեբանի խոշոր ջրամբարը:
բ. Երզնկայի դաշտ	2. Արևմտյան Եփրատի վերնագավառում, 1800-2000 մ բարձրության վրա դաշտի հատակը հարթ է:
գ. Կարնո դաշտ	3. Տարածվում է Արաքսի վերին հոսանքի ավազանում և ծածկված է բերրի սևահողերով:
դ. Խարբերդի դաշտ	4. Լեռնաշխարհի երկրաշարժավտանգ շրջաններից է և տարածվում է Արևմտյան Եփրատի միջին հոսանքում:

 1. ա – 1, բ – 3, գ – 2, դ – 4
 2. ա – 3, բ – 4, գ – 1, դ – 2
 3. ա – 1, բ – 4, գ – 2, դ – 3
 4. ա – 3, բ – 4, գ – 2, դ – 1:
10. Հիմնականում ներմուծվող հումքի և վառելիքի հիման վրա պողպատ արտադրող երկրներն են.

1. ԱՄՆ - ը և Ուկրաինան,	2. Չինաստանը և Ռուսաստանը,
2. Լեհաստանը և Բրազիլիան,	3. Ճապոնիան և Իտալիան:
11. Ո՞ր երևույթն է կոչվում "քիմիական արտադրության արտահանում".
 1. քիմիական արտադրանքը արդյունաբերության այլ ճյուղերում օգտագործելը,
 2. քիմիական արդյունաբերության ապրանքների արտահանումը,
 3. զարգացած երկրների քիմիական արդյունաբերության ձեռնարկությունները զարգացող երկրներում տեղաբաշխելը,
 4. քիմիական արդյունաբերության որոշ ճյուղերի և արդյունաբերության այլ ճյուղերի հետ համատեղ միջճյուղային համալիրների ստեղծումը:

12. ՀՀ – ում քիմիական արդյունաբերության զարգացման նախադրյալ չէր.
 1. բնական գազի ներմուծումը,
 2. պղնձաձուլության պրոցեսում անջատված գազերն ու նյութերը,
 3. սև մետաղների ներմուծումը,
 4. քիմիական արտադրանքի նկատմամբ մեծ պահանջարկը:
13. Տրվածներից ո՞րը Մեծ Բրիտանիայի պատմական մարզերից չէ.
 1. Ուելսը, 2. Շոտլանդիան, 3. Իսլանդիան, 4. Անգլիան:
14. Ռացիոնալ բնօգտագործման օրինակ է.
 1. անտառանյութի փոխադրումը խոշոր գետերով,
 2. անտառների հատման միջոցով արոտավայրերի ընդարձակումը,
 3. օգտակար հանածոների նոր հանքավայրերի շահագործումը,
 4. հումքի երկրորդային շահագործումը:
15. ԼՂՀ – ի մասին ո՞ր պնդումն է ճիշտ.
 1. ուրբանիզացման մակարդակը 70 % է,
 2. բնակեցման հիմնական գոտին տարածվում է 2000–2500մ բարձրություններում
 3. բնակչության միջին խտությունը 12 մարդ/կմ² է,
 4. գյուղական բնակչությունն առավել խիտ է երկրի արևմուտքում:

Կարճ պատասխանով առաջադրանքներ

16. Լեռան գագաթին մթնոլորտային ճնշումը 300 մմ է, օդի ջերմաստիճանը՝ -8°, իսկ ստորոտին՝ +7°: Որոշել մթնոլորտային ճնշումը Լեռան ստորոտին (հաշվարկը կատարել 5⁰ - ով):
17. Երկու քաղաքներ գտնվում են հասարակածի վրա: Նրանցից մեկը գտնվում է արմ. ե. 100° – ի, իսկ մյուսը՝ արլ. ե. 120° – ի վրա: Որոշել նրանց միջև ամենակարճ հեռավորությունը աստիճանով:
18. Երկրի բնակչության թիվը 30 մլն. է, մեկ տարվա ընթացքում ծնվածների թիվը՝ 300 000: Որոշել ծնելիության գործակիցը ‰ – ով:
19. Երկրի երկաթուղային տրանսպորտով տարեկան փոխադրվում է 8 մլն. տ. բեռ, իսկ բեռնաշրջանառությունը կազմում է 640 մլն. տ.կմ: Որքա՞ն կկազմի բեռների փոխադրման միջին հեռավորությունը:
20. Երկրի տրանսպորտային ուղիների երկարությունը 120 000 կմ է, իսկ երկրի տարածքը՝ 30 000 կմ²: Որոշել տրանսպորտային ցանցի խտությունը: